



SEKTOR ZA POSLOVNE USLUGE

Broj: 02-2-2786 /10

Banja Luka, 16.12.2010. godine

**REGIONALNIM CENTRIMA
ODSJECIMA SVIM**

**Predmet: Postupanje kod uvoza duhanskih prerađevina u 2011. godini obilježenih akciznim
markicama koje su izdate u periodu 01.01.2010.- 31.12.2010.godine**

Odluka o utvrđivanju posebne i minimalne akcize na cigarete objavljena je u "Službenom glasniku BiH", broj 88/10 od 26.10.2010. godine (u daljnjem tekstu: Odluka) i primjenjuje se od 01.01.2011. godine.

Shodno članu 2. Odluke, od 01.01.2011. godine, na cigarete se plaća akciza i to:

- a) proporcionalna akciza po stopi od 42% na osnovicu utvrđenu u skladu sa članom 15. stav (1) tačka b) Zakona i
- b) posebna akciza u iznosu od 22,50 KM za 1.000 komada, odnosno **0,45 KM** za pakiranje od 20 komada.

Za pakiranja različita od pakiranja navedenih u stavu (1) pod b) ovog člana, posebna akciza plaća se srazmjerno broju komada u pakovanju.

Članom 3. Odluke propisano je sljedeće, citiramo:

(1) U skladu sa članom 21. stav 5) Zakona, prema evidenciji o izdanim akciznim markicama Uprave za indirektno oporezivanje, najpopularnija cjenovna kategorija cigareta u periodu 1.7.2009.-30.6.2010. su cigarete čija je maloprodajna cijena iznosila 1,50 KM za pakiranje od 20 komada.

(2) Minimalna akciza se utvrđuje primjenom strukture akcize iz člana 2. ove Odluke, uz zadržavanje iste cijene prije oporezivanja najpopularnije cjenovne kategorije iz stava (1) ovog člana.

(3) Primjenjujući metodologiju iz stava (2) ovog člana utvrđuje se minimalna akciza u iznosu od 54 KM za 1000 komada, odnosno 1,08 KM za pakiranja cigareta od 20 komada.

(4) Za pakiranja različita od pakiranja cigareta od 20 komada, minimalna akciza plaća se srazmjerno broju komada u pakiranju.

(5) Minimalna akciza utvrđena u stavu (3) ovog člana primjenjuje se od 01.01. 2011. godine.

(6) Ukoliko je ukupna akciza na cigarete koja je obračunata po stopama iz člana 2. stav (1) ove Odluke manja od minimalne akcize iz stava (3) ovog člana plaća se minimalna akciza iz stava (3) ovog člana.

Članom 4. stav (7) Odluke propisano je sljedeće, citiramo:

Pri uvozu duhanskih prerađevina koje su obilježene akciznim markicama izdatim u periodu 01.01.2010. do 31.12.2010. godine (datum izdavanja vidljiv u otpremnici za akcizne markice), nadležni carinski organ vrši obračun i naplatu razlike akcize na način da se iznos akcize obračunata u skladu sa članom 2. stav (1) i 3. ove Odluke, umanjuje za iznos obračunate i uplaćene akcize prema Odluci o utvrđivanju posebne i minimalne akcize na cigarete ("Službeni glasnik BiH", broj 91/09).

Radi primjene navedenih odredbi ukazujemo da su carinske ispostave dužne postupiti na slijedeći način:

- Izvršiti obračun razlike akcize na obrascu koji je u prilogu ovog akta. Obrazac se sačinjava u tri primjerka, od kojih jedan ostaje uz carinsku prijavu kao sastavni dio prijave, jedan primjerak se uručuje deklarantu radi plaćanja obračunate razlike akcize, a jedan primjerak carinska ispostava odmah, putem faksa, dostavlja Odsjeku za pružanje usluga regionalnog centra koji je izdao akcizne markice obvezniku. Radi obračuna razlike akcize, carinska ispostava će od deklaranta pribaviti kopiju akta kojim je UIO prijavio nove maloprodajne cijene duhanskih prerađevina.

- Odsjek za pružanje usluga regionalnog centra je obavezan da prati uplatu razlike obračunate akcize i informaciju o uplati iste odmah putem faksa dostavi carinskoj ispostavi na propisanom obrascu koji je u prilogu ovog akta, kao i da tako obračunatu razliku akcize evidentira u programu „Račun“. Rok za plaćanje obračunate razlike akcize je rok koji se primjenjuje za plaćanje uvoznih dažbina koje nisu obezbijedene garancijom.

O navedenom, Odsjeci za carine pri regionalnim centrima **u obavezi su odmah obavijestiti** svoje carinske ispostave, a putem njih i ostale učesnike u carinskom postupku.

Prilog: Obrazac za obračun razlike akcize na duhanske prerađevine

Pomoćnik direktora

Hajrudin Lagumdžija

Dostavljeno:

1. Naslovu
2. 01,02,03,04,05,06
3. 02/3
4. Web stranica UIO
5. a/a

OBRAČUN RAZLIKE AKCIZE NA DUHANSKE PRERAĐEVINE I NALOG ZA PLAĆANJE

I OBRAČUN RAZLIKE AKCIZE, prema Odluci o utvrđivanju posebne i minimalne akcize na cigarete („Službeni glasnik BiH“, broj: 88/10), na duvanske prerađevine prijavljene za puštanje u slobodan promet po carinskoj prijavi IM4 broj _____ od _____ godine kod CI _____:

1. Iznos obračunate akcize prema članu 2. Odluke o utvrđivanju posebne i minimalne akcize na cigarete („Službeni glasnik BiH“, broj: 88/10) - podaci iz polja 47 carinske prijave (po vrsti i iznosu akcize):

a) „033“ _____ KM

b) „035“ _____ KM

c) Ukupno (a+b) _____ KM

2. Iznos obračunate i uplaćene akcize prema Odluci o utvrđivanju posebne i minimalne akcize na cigarete („Službeni glasnik BiH“, broj 91/09) po otpremnici za akcizne markice za količinu duhanskih prerađevina prijavljenih navedenoj carinskoj prijavi _____ KM.

3. RAZLIKA AKCIZE ZA PLAĆANJE (1.c) - 2.): _____ KM.

(Shodno članu 3. stav (6) citirane Odluke, ukoliko je ukupna akciza na cigarete koja je obračunata po stopama iz člana 2. stav (1) Odluke manja od minimalne akcize iz stava (3) ovog člana plaća se minimalna akciza iz stava (3) ovog člana (1,08 KM za pakiranje cigareta od 20 komada).

II NALOG ZA PLAĆANJE

Obračunatu razliku akcize u iznosu od _____ KM po navedenoj carinskoj prijavi deklarant je dužan uplatiti odmah na grupu računa iz Odjeljka II tačka 2. Pravilnika o uplati indirektnih poreza i ostalih prihoda i taksi koje naplaćuje UIO (druga grupa uplatnih računa), vrsta prihoda 715422, budžetska organizacija-šifra ispostave carinjenja, poziv na broj – upisati desetocifreni broj fakture (JCI-a) izdane od strane određene carinske ispostave.

Dana, _____.

Obračun izvršio:

(Potpis i šifra službenika)

M.P. _____
Šef CI

Obračun primio dana u sati:

.....
(deklarant/zastupnik)

III OBAVIJEST CI _____ O PLAĆANJU

Odsjek za pružanje usluga RC-a _____ je, provjerom uplata na jedinstvenom računu, utvrdio da je gore obračunata razlika akcize u iznosu od _____ KM uplaćena dana _____ na grupu računa iz Odjeljka II tačka 2. Pravilnika o uplati indirektnih poreza i ostalih prihoda i taksi koje naplaćuje UIO.

Dana, _____

Provjeru izvršio:

(Potpis i šifra referenta)

M.P. _____
Šef Odsjeka za pružanje usluga